

淮陰縣水利報告書



淮陰縣水利報告書目次

序文

攝影

全縣地圖

文牘總

文牘第一市

文牘第二市

文牘第三市

文牘第四市

文牘第五市

文牘馬頭鄉

文牘老子山鄉

目次

河渠表

河渠圖

隄工表

隄工圖

溝洫表

序

阜饒之邑天產贍而民物粹和領其治者第能循軌順流因勢利導固已飈發雲涌
璀璨不可以概若風土荒敞諸創待舉則一政一化措手若披荊榛動生阻力盱衡
二者難易寢殊雖然不才如邦彥掬此棉誠領治者屢易地以伸其觀察輒愧豐於
遇而嗇於爲以爲策畫萬全則極盛難繼綢繆初輒則積漸易施難易之道固在此
而不在彼也淮陰非荒敞之區乎頻歲饑饉益以盜跖民之瀝苦久矣試巡行田陌
間幾索然無復生氣以視吾曩所承乏之吉省方正縣殆有甚焉夫以方正新闢之
疆園邊徼民獷難與圖始所賴廣山大野得因其趨勢鑿道路二百餘里招設屯墾
勸森林警察以植進行之基礎淮陰迭薦災亦苦無天然水利耳地土既瘠民力斯
窮窮則情至於情放不飭舉曩所胼胝經營以成之河渠溝洫悉壅墊而爲田黔首
無遠謀方津津然藉廣數尺地以博斗粟之入愚乃無倫而霖雨猝來渚爲澤藪曩
之因以爲利者乃倍蓰千萬以殉之有呼天雨涕而已大政出於農農且病百度安

序

所附麗因是稽輿圖進士民辨河渠舊迹譬喻利害先幹水次支流次及田頭隴畔
逐步開濬初甚艱繼而效著而紳董之與於事者彌知利被至溥曲爲導說又鑒於
秋潦之有備信人力足挽沉蓄羣起直追遂偃全境然則著邑於大地復何患荒敞
乎患策之不早耳聞父老言民庶感於此役且植碑以誌河成而歸功於邦彥夫民
有澤壤民自闢之蒞其事者但規畫而倡勸固分內應盡之務也維慮積久而弛諸
父老能謹吾言而促立協會以謀利進俾灌輸之力繼興勿替則此心泰矣設在膏
澤封腴文物美備以吾巖拙方慚泛應之鮮當過且未遑敢言功歟綜計全邑工之
最巨者厥維二市之趙公河其在三市境內者曰鮑鹽河在四市境者曰新橋便民
河曰黃橋便民河曰馬麻橋便民河曰蔣家巷便民河曰淮泗界河之北流一支皆
不動公款紳董自行籌費督率民夫純由義務興辦其淮泗界河之東流一支暨五
市之周家湯堤工則係請款開築就二年來之經歷列表以程之計河長三萬一千
七百二十九丈三尺隄長一千二百一十一丈二尺五寸溝洫則八萬三千五百五十

丈填築道路二萬三千零六丈七尺爰於編輯既竣爲述緣起以見農利之興興於
毅力一邑之興興於農利無大小強弱能保其所固有斯發展其所未來時哉弗可
失賴與邑之諸父老相勛勉焉中華民國六年十月吳興趙邦彥序



淮陰縣知事吳興趙邦彥字渠裳



中立者二市
農會長王建
功左立為淮
陰警備隊長
王振鵬又左
則四市農會
長周德均右
立為四市總
董仲化南又
右則二市總
董黃作賓查
開濬溝洫之
勞績最著者
共六人皆奉
省長予以一
等獎章尚有
四市團總王
蔚德未經同
時攝影

文牘

詳 巡按使
道尹

開濬溝洫以興水利文 民國四年十月

竊查淮邑近年以來禾稼迭被浸淹收成每形歉薄考厥原因無非水利不興遂致地力未盡影響所及飢饉頻仍弱者死亡強者盜賊孟氏所謂救死不贍奚暇禮義者也知事承牧斯土深用憂心顛連之疾苦未除撫子之事權誰屬况復萑苻不靖劫奪時聞縱使緝懲兼施終非標本並治彌盜賊之源盾兵戈之後計非倡導實業籌畫生計不爲功倘不於根本之地官紳共勉竊恐樂歲未飽凶歉旋臻盜患甫除饑寒又迫茫茫後顧民困難蘇知事就職三月雖經調查蠶桑果木皆爲土地所宜而事半功倍利近效速者厥惟水利嘗於下鄉時留心考察往往陸行數十里不見一溝一洫雨未竟日潦已盈田端賴天工毫無人力歲必求熟其能得乎聞光緒季年大水之後外洋義振會以工代賑曾將溝渠一律挑濬得以收成較厚者數年深幸明效在前勸導尤易每至鄉間飭紳董導引察看豈意愚民無知不加保護多半

皆已淤塞甚至有私行填平冀廣種植貪尺寸之土壤破永遠之利源每值夏秋大雨時行遂至宣洩無由田禾悉被淹損小則減色大則成災愚固可憐頑尤足恨然而士紳熱心罔不惋惜每於接見時譚及此舉悉皆欣然贊成考周禮遂人職十夫有溝百夫有洫夏禹平成盡力溝洫斯固古之遺制而淮邑俗名所謂田頭溝也查淮邑應興水利不可枚舉惟是河流堤岸需款實繁就地既莫可措籌公款又無從動撥惟有此項田溝但須貧富合作按畝出夫不需募捐即可集事况從前已成效昭著茲復詢謀僉同尤當不遺餘力毅然行之現正農隙適當其時已由知事手訂開濬溝洫章程八條提交農會通過於十月初旬廣發通告並分飭市鄉農會暨各保衛團一律督率勸辦除俟辦理就緒再行詳報外理合將開濬溝洫章程繕具清摺具文詳送

鈞使
鈞尹 鑒察立案謹詳

附錄開濬溝洫章程

一全境五市二鄉以各市鄉總董及農會總其成仍按保衛團區域分團辦理一團內之溝渠由團總督同保董甲牌長通籌規畫如有與隣團接連之處會商隣團辦理酌量地勢水線務以通流順率得歸於就近河流爲主迨各團之溝渠規定彙總於各該市鄉董及農會合繪一圖以備查考

一市鄉一圖五市而二鄉共繪七圖

各團內應開丈尺則分團註明以備履驗

一溝之寬窄深淺應分三等最大者則在大道兩旁俾衆溝灌歸以達於河次之則由田溝灌輸於大溝爲中間過渡之溝最次則爲田溝三項溝渠自應分別寬窄惟土有鬆實難以限定

鬆土宜寬實土可窄

由在事紳董各就土性分別酌議至深

淺則應規定大溝五尺中小溝皆三尺係指最低最下之地而言高原則應加

深務使水線得平流通無阻

此節最應注意否則高原之水流至低窪處卽有漫溢之虞

一大道兩旁之溝開出土方卽填於道爲一得兩便之舉

一田頭小溝在某家者卽用某家之田切勿任其顧惜尺土致碍全局其次等之

溝所以灌小溝之水而入於大溝倘能遶出民田專用低窪荒地固妙否則亦惟有破田而過然需用民田若干俟開齊後合計用去畝分若干由各家酌量貼補至田去糧存指日卽須大丈當於大丈時剔除

一此項開溝但須人力毋須資本由團總將全團溝渠規定後飭令保董甲牌長按計各家田畝多寡以分別出力多寡之數鋤產各件均自帶飯亦回家自食惟市鄉董及團總等之下鄉飯食少亦自備多則俟工竣後設法貼補願盡義務者聽

一緊靠農田之應開各溝務於溝線內預備一丈暫緩種麥以備出土之用一面趕緊挑竣俾免二麥下種失時其芋豆莖麥蘿蔔等項尙未收穫之所則應開挖消後總須由在事員紳斟酌行之

一此次開濬溝洫各處鄉約地保均應隨同在事員紳認真辦事如有不聽指揮或規避偷惰准各員紳詳情懲儆

一各市鄉農民業戶於現挑溝渠並不審度利害關係妄自出頭阻撓藉端滋事則是不顧公益有心妨害他人水利當按照暫行新刑律第一百九十七條第二項故意妨害水利荒廢他人田畝者處二等至四等有期徒刑科辦以儆刁頑

附錄 巡按使批

詳摺均悉開浚溝渠費省效速裨益民田實非淺鮮該知事關心民瘼殊堪嘉許所擬章程八條應准備案仰卽責成該縣市農會暨各市鄉總董督率農佃認真開挑並將各市鄉應浚溝洫繪圖貼說備文詳送俟辦有成效再行詳候通飭江北各縣一體仿辦此批摺存

附錄 道尹批

詳悉開濬溝洫以興水利本屬切要之圖而江北尤不可緩附具所擬章程亦尙妥洽足徵該知事留心時勢因地制宜披閱之餘良深嘉慰應准如詳立案仰仍

三

責成農會暨各市鄉總董保約積極進行冀收實效並卽補詳

巡按使核示此繳

通告開濬溝洫文 民國四年十月

上畧同詳文稿至現正農隙適當其時期於今冬一律開浚本知事爲民普利勞怨莫辭不憚勸勉之煩言惟念顛蒙之頓闢如猶有不聽指導不顧公益仍如昔日之濬而復塞或推諉觀望冀生阻力者則教不可施惟執法以繩其後除通飭各市鄉總董農會及各團總外合亟明訂章程出示通告爲此示仰市鄉業戶農民人等一體知悉自示之後務須候總董團總等查明本市鄉應挑各項溝渠趕緊按戶出夫通力合作以利田疇而除水患倘有刁頑之戶藉端滋事出頭阻撓一經訪聞或由董事等報告定卽照章懲辦其各遵照毋違特告

通飭縣市鄉農會市鄉董各保衛團總文

上畧同通告稿至執法以繩其後除明訂章程出示通告并通行外合亟抄章飭行

該 即便遵照查明該管境內應行修挑各項溝渠責成業戶農民照章出夫通力合作務於農隙時一律告竣報候詣驗倘有刁頑之戶妄行阻撓藉端滋事並許隨時報告以憑嚴懲事關桑梓水利該 義務所在又復素屬熱心務須妥慎將事毋負委任

通飭縣市鄉農會市鄉董各保衛團總催辦文

民國四年十二月二十日

照得開濬溝洫一案業經訂定章程廣發通告通行飭辦在案迄今已及兩旬究竟各鄉已否入手開辦案關爲民興利且須乘此農隙之時決不能稍涉觀望致有貽誤合亟飭催該 務於文到日先將規畫籌辦情形具報

續飭催辦文

民國四年十二月

案照縣境開濬溝洫一案業經訂定章程廣發通告通行飭辦並函催在案現各市場均已積極進行惟該 仍未將規畫籌辦情形具報殊屬非是現奉

巡按使批飭認真開挑一俟辦有成效并准通飭江北各縣一體仿辦等因是本邑

四

開濬溝洫固足以普利農疇而功效既成且將爲各縣先導利已及人在此一舉乘茲農隙鄉民大有可爲設再稽遲即妨春種時乎不再人各有心凡在董民對於利益切己之事宜無不併力以圖決不能再任觀望致有貽誤合亟飭催爲此飭仰 某務於文到日趕速籌畫開辦仍將辦理情形先行繪圖具報

詳 巡按使 尹 開濬官圩等溝入手情形錄摺先行報請鑒核文 民國四年十二月

上 署 查此案自經 知事 廣發通告後復詳攷溝洫既濬而水之宣洩非將便民河等一體疏通仍恐田水難出現亦仍照田溝辦法但用民力不籌經費茲據老子山鄉等處紳董先後勘明官圩溝新黃橋便民分河以及界河護河均爲急要工程分別舉定承辦員董請由縣署加諭委派次第接續興工惟界河關於淮泗兩邑水利且內有崗堤二道士質半係砂礪着手較難此外有報溝澮流通無庸開濬者有報晚糧在田請從緩辦者均已分別批示其他各處正在籌備一俟全體議有端倪再行專案續報務期全境水利同歸一致以仰副

軫念民瘼之至意所有已經開辦各處仍俟工竣繪圖詳送外理合先將辦理情形開摺具文詳報謹詳

附錄摺報

一官圩溝 查官圩溝屬於老子山鄉係光緒初年挑築西連安徽盱邑東接湖

五

邊澇則導水外出旱則引水灌田亘延數里受益農田約有二百餘頃現因年久淤塞經該鄉農會長韓作明推舉金靜臣等八人爲監工員由縣加諭委派督率農佃乘此農隙合力開濬

一新 橋便民分河 查前項便民兩分河均屬於第四市一係民國元年義賑興挑一係宣統三年開濬現均逐漸淤塞經該市農會長周德均等推舉吳鍾驥等三十三人由縣加諭委派責令分段承辦督率農佃乘此農隙合力挑濬

一淮泗界河 查界河屬於第四市與泗陽壤地相接昔年泗水漫溢淮人同苦水患於同治八年經清漕督勘濬界河咨部立案嗣因水大河狹宣洩不暢於光緒三十三年復經淮泗紳董公請華洋義賑會與挑并導源於鴨子塘經崗堤達包家河以分水勢現亦年久失修河漕淤塞由該市農會長周德均等推舉丁啓維等六人由縣加諭委派分段承辦并咨請泗陽縣責成該處董民一體照辦

一黃運堤根長溝 查黃運堤根長溝屬於馬頭鄉已委派第七團總召集保董
甲長分段加深其西卽泗陽境運堤間有潰決并詳請 道尹

鈞使 飭令堤工局趕緊估修

一附圩護河 查附圩護河屬於第一市圩堤年久失修護河早經淤墊圩外地
畝一經時雨滂沱輒致釀成水患由該市第三四五十團團總集工疎濬護河
引水入運以衛民田一面起土修圩鞏固圩堤

附錄 巡按使批

詳摺均悉該縣官圩溝新黃橋便民分河以及淮泗界河黃運堤根長溝附圩護
河既經舉定承辦員董由縣加諭委派次第興工應俟工竣後分繪圖說詳送備
考其他未挑各河仰仍責成各該市鄉總董妥爲籌備以利進行切切此批摺存

附錄 道尹批

詳摺均悉仰仍督同紳董責成承辦各員次第興工相機開濬務使溝洫疏通水

六

流宣暢並將未辦各工擇要籌備情形詳報查核切切仍候

巡按使批示繳摺存 十二月十四日

呈 巡按使 擬表調查成績並請擇尤給獎文 五年六月

竊查縣屬開濬溝洫一案業將章程及入手籌辦情形先後詳報在案茲據各紳董陸續報告工竣經 知事 逐一親往履勘悉皆寬深合度水道通流每到一處民間無不歡欣鼓舞咸謂百年永遠之利凡低窪污潦之區向未播種者今已從事耕耨而工程之大受益之廣以二四兩市爲最二市官柴窪一帶夏秋水漲平地積潦恒至四五尺茲則闢成大河導洩於洪澤湖據該處董耆面稱沾其利益者七百餘頃因考各董任事之勇各處程工之鉅其舊時淤塞者固屬加深加寬而往往有向無溝河現爲水道必經之所則竟集款購買民地鑿成河流實非創議時希望之所及蓋去冬籌議之初深知地方貧瘠民鮮蓋藏既無公項堪以補助何敢更言籌款所以原章規定但需人力無須資本固不敢以至艱且鉅者責之於民豈意一呼百應踴躍贊成推原其故民之苦潦久矣咸知爲洩水無所之病無如事關全局非一鄉一董之力所能舉辦是以一聞提倡羣喜爲時不可失此次勘工所至罔不津津樂道

七

並預作今冬明春之計畫自行面請查章程第二條大道兩旁者規定爲最大之溝茲則全局比較道旁溝渠轉退處於工程狹小之列 知事 觀此民情希望愈切茲又製定甲乙兩種調查表既考已竣之工程兼採將來之計畫期於兩年必能全境普及而一再審察雖屬民間之利害切已究係士紳之董勸有方矧在瘠邑開闢尤難全恃紳力經營力破艱困鉅工既舉使各鄉民實知開濬利益得以次第興起 知事 爲激勵紳民起見擬將出力之人擇尤懇請

鈞使 分別給予一二三等獎章既所以策勵前功尤足以激勸後起即 知事 署內職員每有派遣赴鄉調查監察者罔不視爲公益義舉勞瘁不辭似亦宜予以虛榮俾示鼓勵除俟調查勘驗完畢彙造報告外理合將開濬溝渠擬請獎勵各緣由並調查表式具文詳請

鈞 尹 鑒核示遵謹詳

計詳送甲乙兩種調查表式各一紙

甲種調查表

地址名稱	源流	工程	經費	利益	承辦人	備考
某某市某某河	進水處係河地名	總計河長若干丈尺	佔用民地者共給價若干係按若干錢一畝	此河未開以前之水	總承辦人	如有其他情形得記
(鄉或) 某某市	受某某路	分若干段	若干錢一畝	害情形	分段承辦人	於此譬如
如有	來水	興工	需用民夫	現在開濬	人銜名	此河雖開
以溝	出水處係	面寬若干	者共給價	後約有若		尚有未竣
名者	何地名	底寬若干	若干係按	干田畝得		之工今冬
如此	農溝	深若干	者共給價	受其利益		尚須修補
河連	洩水至某	建大小橋	若干錢一	或向皆淹		或尚擬接
及其	某處	梁若干座	名	沒今得涸		續再開支
他市		是否由舊	橋梁工料	出者若干		河或猶有
鄉同	某某	河加深加	共若干	畝		橋梁尚待
時開	溝	寬抑係新	總共需費			續建種種
濬者	如無	開	若干			將來之計
則此	舊名	佔用民地	籌款方法			畫不妨詳
欄並	者可	若干	如召集民			細記載
填兩	新題	需用民夫	夫未經另			
市鄉	一名	若干	行籌款者			
或三	由大	何日開工	亦詳細註			
市鄉	衆公	何日竣工	明			
之名	擬					

一市或一鄉開有河流數道者則分填數表數市鄉同開此一河則彙填一總表
 總之一表祇填一河亦不得同一河流分填數表若係支河則分填
 隨表附繪河流圖以資考証

乙種調查表

地址	開溝數	填道數	業農戶數	開溝戶數	倡導人	備考
某某市鄉	以團之範圍共計開 濬溝洫若干丈	如以溝內之土順便 填築道路者亦以全 團總計填其丈尺數 無則填一無字	全團內業農之戶約 計若干家填其總數	全團內遵諭開溝之 戶若干家填其總數	各提倡勸辦人之銜 名	如有其他情形得記 於此倘有全團未經 開濬者亦於此欄載 明緣由或無開溝之 必要或擬俟本年冬 季再開務一一注明

附錄 巡按使批

詳表均悉據稱該縣各市鄉開浚溝洫成效頗著該知事督率有方殊堪嘉許應予記功一次以示鼓勵所有在事出力之市鄉紳董仰即查取職銜擇尤開送核給獎章勿涉冒濫今年雨水較多該縣溝洫修濬以後積潦當可宣洩惟事易謀始難與圖成應仍由該知事隨時督察將所辦工程按表填送以備考核并即遵照辦理此批表存 七月二十六日

附錄 道尹批

詳悉查籌濬溝洫一案該縣提倡於先士紳繼起於後風行草偃成效卓著披閱之餘嘉慰靡既所有出力員紳擬請

省者分等頒給獎章以資激勵辦法尙無不合察核附擬調查表式亦尙妥洽仰俟調查勘驗完畢造冊彙報

巡按使核示遵行可也此繳 十九日

十

函各市鄉董團總填送甲乙兩種調查表文

逕啓者開濬溝洫業已大半告成前經親自履勘各士紳之熱心公益洵屬罕觀難能且有因溝洫而濬及河流尤爲始念所不及回議去年籌議之初因鑒於地方貧瘠既無公項堪以挹注何敢更言籌款此所以原定章程但須出力任勞輕而易舉詎意一呼百應踴躍贊成有集款至數十百吊有集夫至數百千名極大河流亦復同時疎鑿甚至於水道滙歸之處購買民地闢成長渠洵士紳之董勸有方亦民庶之咸知公益經營半歲雖尙未普及全境而逐漸增修已覺大有基礎茲擬將辦事起迄以及在事員董之辛勞各地河渠之利益彙集成編刊行報告業已疏濬者既所以表其前功尙待徐籌者尤足以勵其後起爰製調查表甲乙兩種甲種專指開濬河渠之極大工程應以河渠之全體彙列一表如有連及兩市或三市會同填列不以市鄉爲限更不以保衛團區域爲限并須隨表附繪一圖以資互証其乙種調查表係指溝洫而言專以保衛團區域爲限如有未經開濬者查照表內備考欄註

明緣由送縣蓋彙編報告未便漏列一團也除

甲種調查表函請

乙

種調查表函送各

市鄉總

外用將

貴

總董

務於函到十日內即行填送是爲至要此致

呈 省長查明開濬溝河案內出力紳董擇尤請獎文

五年十二月

竊 知事 呈報開濬溝河工程出力人員懇請分別給予一二三等獎章一案奉

令查取職銜擇尤開送核給獎章勿涉冒濫等因仰見

省長於論功行賞之中厲覈實循名之意表示所屬欽感同深伏查淮陰近十餘年歲有水災元氣彫喪舍治溝導渠無以挽回農利自上年十一月以迄本年四月開溝至五萬餘丈濬河亦六七處工程最鉅者二市之趙公河四市之黃新橋便民河成績固已顯然即未濬之田今秋受災較重多恍然遲疑致誤相率急起直追於此農隙時際爲進行之預備前此

全國水利局潘副總裁查勘運河抵縣小駐曾蒙

十一

派員調查實地考核獎誨勤拳極以繼續進行克竟全功爲囑因是人民勇進之心益覺增高而紳董首創之勞愈不能沒綜核各市鄉送到調查表以二市四市成績爲優在事出力之人又以農會長王建功等爲最祇緣全境各市鄉未能一律報竣甲乙調查兩表尙多缺漏未齊是以請獎之文遲遲未能上達惟是不旌已往莫策方來當開辦之初曾以罰情獎勤訂爲規則信用不固政令難行且轉瞬陰歷年終所有五年分之成績自宜作一結束先就全市鄉告竣及工程較鉅之二四市在事人員擇其最爲出力者六人較次者十二人先行呈請核給獎章其餘段董及輸資之各業戶雖均毅力熱心微勞不無足錄但半皆受益之人本有應盡義務若同予彙請

省獎轉貽冒濫之譏擬僅由縣書給匾額以示虛榮

知事

天職所在尙蒙

溫諭嘉許逾格記功推已及人既不敢爲溢量之褒亦未便使勞勩終掩爲特查開職銜附具事由錄摺呈懇仰祈